



UNIVERSITÄTS-  
BIBLIOTHEK  
PADERBORN

# Universitätsbibliothek Paderborn

## Die Schedelsche Bibliothek

Stauber, Richard

Freiburg im Breisgau [u.a.], 1908

6. Sebald Babenberger an Hartmann Schedel

[urn:nbn:de:hbz:466:1-54213](https://nbn-resolving.org/urn:nbn:de:hbz:466:1-54213)

b) Schedel an Holzschuher. Nürnberg, 22. Jan. 1494 (2<sup>o</sup> Inc. c. a. 2715, fol. 200). Bitte um Übersendung des Haly.

Iesus.

Insigni viro Hieronimo Holtzher Padue amico sibi colendissimo S. P. optat. Vestra ornata atque humanissima scripta ostentant lucide Hali abatem unicum pro VIII libris superesse. Vetitumque ne ulterius imprimatur. Causam huius scire optarem. Cumque nitimur in vetita cupimusque negata [Ovid. am. III 4, 17] et ob raritatem operis Rogo apprime ut eundem quantocius et quam primum mittere velitis ad Sororium meum Albertum Heugel; is pecuniam restituet. Practica Philonii aput nos venalis reperitur. Inquisitionem habere velitis, an opus Petri de Abano quod Lucidatorem appellant (ut in eius Epigrammate habetur in palacio Padue) aput doctos aut venalis reperiatur. agite uti res vestra sit, et me ut facitis amate. Metus belli nos inquietat. ‚Inter finitimos‘ enim ‚vetus atque antiqua similtas Immortale odium nunquam et sanabile vulnus‘ [Juvenal XV 33 f]. Valete foeliciter. Ex Nuremberga anno domini 1494 die 22. mensis Ianuarii.

Hartmannus Schedel artium  
ac utriusque medicine doctor.

6. Sebald Babenberger an Hartmann Schedel. Heilsbronn, 28. August 1494 (Clm. 25060, fol. 142/43, Einlage). Dank für ärztliche Ratschläge, Bitte um Übersendung von Medikamenten.

Ypocratice discipline viro doctissimo integerrimoque Hartmanno Schedel Nurnberge dies faustos agente [!] fautori suo sibi preferendo.

Cum sincero affectu salutem et si quid dulcius salute dedicat. Scripta vestra priscorum vatum dictis decorata, exulta, et ornata, expertissime vir, et accepi et legi, moxque patribus nostri monasterii vestras sedulitates quibus singulos afficere integerrimo affectu conamini, enodavi, quante gratitudinis sint nec Mercurius ipse explicabit sermone, attamen interim qui paria paribus reddere nequimus, aput altissimum quod possumus impertiri studebimus, ac Pyladis in Horrestem [!] ardores, (nota cano) vivaces reddemus. In regimine de quibusdam medicinis laude preferendis scribitis puta de medicamine tyriacali, et de confectione cordiali in duplici forma sub bolis et rotulis sumenda has oro cum presentium ostensore facite mittantur primi quantum postulare necessitas videtur. secundi profecto tantum si fata sive novercans rote motrix quam propiciam adhuc habemus plus successu temporis exigit, semper in apotheca reperiemus. Valete et ut valeatis opto ex Fonte salutis velocius euro in die Augustini anno etc. XCIIII.

Sebaldus Babenberger theologie licentiatus.

Nachschrift: Medicaminis tyriacalis pixidem mediocrem dumtaxat pro necessitate remittere procuretis.

7. Hieronymus [Münzer] an Hartmann Schedel. Lyon, 1. Sept. 1494 (Clm. 23877, fol. 204<sup>1</sup> und 204<sup>2</sup>). Nachrichten über seine Reise zc.

Clarissimo utriusque medicine doctori Hartmanno Schedel suo charissimo Nuremberge. 1494 adi 1 Septembris Ex Lugduno:

Clarissime doctor: Ieronimus vester salvus venit Lugdunum: Veditque vetustates quam plures Elweciorum: montes Lemnanos: Allobrogos: et varia que mihi voluptati erant: Ad Mortonem prope Bernam dum venirem o quam magnam mortis